



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

**Broj:
Sarajevo, 14. 06. 2001. god.**

Z A P I S N I K

**sa 14. sjednice Doma naroda Parlamentarne skupštine BiH, održane 17.01.2002.godine
,sa početkom u 11:10 sati**

Sjednicom je predsjedavao Sejfudin Tokić, predsjedavajući Doma naroda Parlamentarne skupštine BiH i konstatovao da sjednici prisustvuje 15 delegata.

Pored delegata Doma naroda sjednici su prisustvovali i predstavnici međunarodnih organizacija, pozvani gosti i predstavnici sredstava javnog informisanja.

Nakon što je utvrdio da sjednici prisustvuje dovoljan broj delegata za punovažno odlučivanje, predsjedavajući je predložio sljedeći

D N E V N I R E D

1. Odgovori na delegatska pitanja i delegatska pitanja;
2. Zapisnici sa 10,11,12. i 13. sjednice Doma naroda;
3. Imenovanje članova za zajedničku komisiju oba doma Parlamentarne skupštine BiH za postizanje sporazuma o istovjetnom tekstu carinske tarife BiH;
4. Izjašnjavanje o izvještaju zajedničke komisije oba doma o postizanju sporazuma o jedinstvenom tekstu zakona o industrijskom vlasništvu u BiH;
5. Izjašnjavanje o razmatranju po članu 100. Poslovnika Doma naroda Zakon o namjeni i korištenju imovine, koju je BiH dobila po sporazumu sukcesije bivše SFRJ – predlagač izaslanik Ivo Divković;
6. Prijedlog zakona o upotrebi i zaštiti znaka Crvenog križa/krsta i naziva društva Crvenog križa/krsta BiH – predlagač Vijeće ministara – prvo čitanje;
7. Ugovor između BiH i Republike Hrvatske o saradnji i međusobnoj pomoći u carinskim pitanjima – Predsjedništvo BiH;
8. Sporazum između BiH i Vlade Republike Italije o podsticanju i zaštiti investicija – Predsjedništvo BiH;
9. Sporazum između Vijeća ministara BiH i Vlade Republike Hrvatske o suradnji i predaji, prihvatu osoba čiji je boravak nezakonit – predlagač Predsjedništvo BiH;
10. Sporazum između BiH i Republike Slovenije o recipročnom unapređenju i zaštiti investicija – Predsjedništvo BiH predlagač;
11. Protokol za sprečavanje, zasutavljanje i kažnjavanje trgovine ljudima, naročito ženama i djecom, kojim se dopunjuje Konvencija UN protiv transnacionalnog, organiziranog kriminala, potpisanog u Njujorku 7.septembra 2000.godine – Predsjedništvo BiH;

12. Sporazum između Vijeća ministara BiH i Švicarskog Federalnog vijeća u vezi sa međunarodnim cestovnim prijevozom osoba i roba – predsjedništvo BiH;
13. Protokol o osnivanju i funkcioniranju kulturnih centara između Vijeća ministara BiH i Vlade Republike Turske – Predsjedništvo BiH;
14. Protokol protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog, organiziranog kriminala, potpisan u Njujorku 7.septembra 2000.godine – Predsjedništvo BiH;
15. Konvencija UN protiv transnacionalnog, organiziranog kriminala – Predsjedništvo BiH predlagač;
16. Rimski statut Međunarodnog kaznenog suda – predlagač Predsjedništvo;
17. Sporazum između Vijeća ministara BiH i Vlade Republike Mađarske o ukidanju viza za nosioce diplomatskih i službenih putnih isprava – Predsjedništvo BiH;
18. Ugovor o slobodnoj trgovini između BiH i Republike Slovenije – Predsjedništvo BiH;
19. Sporazum između BiH i države Kuvajt o poticanju i recipročnoj zaštiti investicija – Predsjedništvo BiH.

U diskusiji o predloženom dnevnom redu u kojoj su učestvovali: Sejfudin Tokić, Ibrahim Spahić, Dragutin Rodić, Nikola Špirić, Goran Turjačanin, Dragutin Ilić, Šefik Džaferović i Halid Genjac-delegati i Jozo Križanović, Beriz Belkić, Živko Radišić-članovi Predsjedništva BiH, **zaključeno je:**

Usvaja se predloženi dnevni red , uz prijedlog Džaferović Šefika i Halida Genjca da se u dnevni red pod tačkom 20 uvrsti pitanje procedure u međuparlamentarnoj saradnji.

Tačka 1. Odgovori na delegatska pitanja i delegatska pitanja

U uvodnoj riječi, predsjedavajući-Sejfudin Tokić je istakao da je stigao samo jedan odgovor na delegatsko pitanje, te da će se, svakako, za iduću sjednicu Doma naroda pripremiti pregled delegatskih pitanja, inicijativa i odgovora.

U raspravi u kojoj su učestvovali: Sejfudin Tokić, Nikola Špirić, Ibrahim Spahić i Halid Genjac postavljena su sljedeća delegatska pitanja:

- **Delegat: Nikola Špirić je postavio delegatska pitanja:**
- "Zašto do sada nije dostavljen Izvještaj o preventivnoj reviziji u Ministarstvu trezora institucija BiH?"
- "Ko je na osnovu koje odluke i kada izvršio prodaju zlata koje je Bosni i Hercegovini pripadalo po osnovu Sporazuma po pitanjima sukcesije bivše SFRJ?"
- Zaključkom Doma naroda traženo je da se Domu naroda dostavi spisak naturalizovanih državljana BiH."Zašto još uvijek nema izvještaja?"
- **Delegat: Ibrahim Spahić** je uputio pitanje Predsjedništvu BiH, Vijeću ministara i Parlamentarnoj skupštini
- "Da li će donijeti odgovarajuće odluke, prijedloge i zakone u vezi s institucijama koje je osnovala Republika Bosna i Hercegovina.
- **Delegat: Sejfudin Tokić** je uputio pitanje Vijeću ministara BiH:
"Da li su tačne tvrdnje Helsinškog komiteta za ljudska prava, da je u okviru provođenja antiterorističke kampanje došlo do niza pojava kršenja ljudskih prava, između ostalog i, da su pripadnici SFOR-a, neovlašteno privodili građane BiH i ispitivali ih i primjenjujući mjere, koje se prema evropskim standardima mogu podvesti pod nehumane,

ponižavajuća postupanja. Da su BiH vlasti nezakonito oduzele BH državljanstvo 94 građana. Da su vršene deportacije i ekstradicije oko 15 prema zemljama u kojima postoji smrtna kazna ili isporučenim građanima prijeti smrt kao posljedica torture što je suprotno Evropskoj konvenciji o ljudskim pravima koja ima prednost u domaćem zakonodavstvu nad svim drugim zakonima, da je lokalna policija privodila građane a da pri tome nije jasno o kojoj se policiji radi, kantonalnoj, federalnoj ili specijalnim jedinicama. Naime, policajci nisu imali istaknute akreditacije niti su se predstavili prilikom privođenja. Da je međunarodna policija APTF prisustvovala nekim nezakonitim deportacijama i ekstradicijama, čime je učestvovala u kršenju zakona, umjesto da bude garant njegovog poštovanja, uz sljedeće obrazloženje koje je dobiveno dana, 16.1.2002.godine, od predsjednika Helsinškog komiteta za ljudska prava gospodina Srđana Dizdarevića. Pismo u kojem je naveo da je u okviru anti terorističke kampanje, došlo do niza pojava kršenja ljudskih prava, te da ima indicija da će se navedenom praksom nastaviti i ubuduće.

Ukoliko su ovi navodi tačni, radi se, zaista, o drastičnim kršenjima ljudskih prava kojima se nanosi nesaglediva šteta međunarodnom ugledu BiH i proizvodi se pravna nesigurnost za sve građane BiH. Borba protiv terorizma svakako je jedan od najvažnijih prioriteta institucija BiH, oko čega je postignut opšti konsenzus političkih subjekata, uključujući i ovu parlamentarnu skupštinu i koja uživa plebiscitarnu podršku građana. Odlučnosti institucija i građana BiH su ... jednom od najvećih zala modernog svijeta, podrazumijeva i treba da podrazumijeva isključivo i dosljedno poštivanje Ustava, važećih zakona i međunarodnih konvencija o ljudskim pravima.”

Delegat: Halid Genjac je uputio pitanje Vijeću ministara BiH

“U kojoj su mjeri kršena ljudska prava i ljudske slobode u vezi s hapšenjima i ekstradicijama i u kojoj su mjeri su povezane s tvrdnjama vođe naše delegacije u Vijeću Evrope da se raniji predsjedavajući Predsjedništva BiH slikao sa Bin Ladenom?”

“Da li se prije usmeno postavljeno pitanja na sjednici Doma mora dostaviti pitanje u pismenoj formi predsjedavajućem Doma naroda. Takav odnos spram poslaničke aktivnosti je ocijenio kao tendenciju cenzurisanja delegatske/poslaničke aktivnosti.”

Predsjedatelj Sejfudin Tokić je u odgovoru na postavljeno delegatsko pitanje forme naveo da se u članu 118 Poslovnika o radu “Pitanja postavljaju u pisanom obliku. Suština ove poslaničke odredbe ima za cilj da, ako se traži usmeni odgovor da se na određeni način obezbijedi prisustvo onoga ko može dati usmeni odgovor. A što se tiče cenzure to nije niti će biti politika ni ovog kolegija ni mene kao predsjedavajućeg Doma, nego samo obezbjeđivanje adekvatnog odgovora”

Tačka 2. Zapisnici s 10. 11 i 13. sjednice su u cjelosti usvojeni, dok je zapisnik s 12 sjednice usvojen uz primjedbe, sugestije i prijedloge delegata Halida Genjca i Šefika Džaferovića:

“Na 12.sjednici, kad je razgovarano o Zakonu o koncesijama i o tretiranju našeg prigovora po ugrožavanju vitalnog nacionalnog interesa, gospodin Džaferović i ja smo ustvrdili da se radi o grubom kršenju Ustava i Poslovnika. Molimo da se u skladu sa navedenim članom uvede ta naša primjedba u zapisnik.”

Druga primjedba : “ Tokom usvajanja amandmana na Zakon o zaštiti potrošača u BiH grubo je povrijeđen Ustav i Poslovnik ovog Doma tokom prebrojavanja glasova i grubo prekršene odredbe Poslovnika. Ostali smo u manjini,i dalje smatramo da se radi o gruboj povredi Ustava i Poslovnika i molimo da se u skladu sa članom 66. tačka 2. Poslovnika Doma naroda naše primjedbe uvedu u Poslovnik radi daljih koraka i istorije.”

Tačka 3. Imenovanje članova za zajedničku komisiju oba doma Parlamentarne skupštine BiH za postizanje sporazuma o istovjetnom tekstu carinske tarife BiH.

Rasprava nije vođena.

Jednoglasno je donijeta odluka o imenovanju članova Zajedničke komisije oba doma Parlamentarne skupštine BiH za postizanje sporazuma o istovjetnom tekstu Carinske tarife BiH, u sastavu:

1. Novaković Momčilo
2. Jusufović Munib
3. Ivanković Jerko

Tačka 4. Izjašnjavanje o izvještaju zajedničke komisije oba doma o postizanju sporazuma o jedinstvenom tekstu zakona o industrijskom vlasništvu u BiH.

Rasprava nije vođena.

Uz 3 uzdržana glasa prihvaćena je i obezbjeđena potrebna većina i entitetska većina za prihvatanje izvještaja zajedničke komisije oba doma o postizanju sporazuma o jedinstvenom tekstu Zakona o industrijskom vlasništvu u BiH.

Tačka 5 Izjašnjavanje o razmatranju po članu 100. Poslovnika Doma naroda Zakon o namjeni i korištenju imovine, koju je BiH dobila po sporazumu sukcesije bivše SFRJ – predlagač izaslanik Ivo Divković;

U raspravi su učestvovali: Ivo Divković, Sejfudin Tokić, Halid Genjac, Nikola Špirić, Momčilo Novaković, Šefik Džaferović, Ilija Šimić, Ivo Divković, Goran Turjačanin, Munib Jusufović, Ante Domazet, Halid Genjac i Dragutin Ilić.

Nakon rasprave glasalo se, da li će se u prvom čitanju o Zakonu voditi rasprava po članovima.

S obzirom da nije bilo potrebne entitetske većine za raspravu po članu 100 (9 delegata se izjasnilo za) . U skladu s članom 60. Poslovnika Doma naroda, Kolegij Doma naroda će pokušati postići saglasnost.

Tačka 6. Prijedlog zakona o upotrebi i zaštiti znaka Crvenog križa/krsta i naziva društva Crvenog križa/krsta BiH – predlagač Vijeće ministara – prvo čitanje;

U raspravi su učestvovali: Halid Genjac i Sejfudin Tokić.

Nakon rasprave glasalo se da li će se , u prvom čitanju o Zakonu , voditi rasprava po članovima.

Jednoglasno je odlučeno da se usvoji Zakon u prvom čitanju (sa 13 glasova za).

Tačka 7. Ugovor između BiH i Republike Hrvatske o saradnji i međusobnoj pomoći u carinskim pitanjima – Predsjedništvo BiH;

Rasprava nije vođena.

Jednoglasno je data saglasnost za ratifikaciju Ugovora između BiH i Republike Hrvatske o saradnji i međusobnoj pomoći u carinskim pitanjima (sa 13 glasova za).

Tačka 8. Sporazum između BiH i Vlade Republike Italije o podsticanju i zaštiti investicija – Predsjedništvo BiH;

Rasprava nije vođena.

Jednoglasno je data saglasnost za ratifikaciju Sporazuma.

Tačka 9. Sporazum između BiH i Vlade Republike Italije o podsticanju i zaštiti investicija – Predsjedništvo BiH;

Rasprava nije vođena.

Jednoglasno je data saglasnost za ratifikaciju ovog Sporazuma (sa 13 glasova za).

Tačka 10 Sporazum između BiH i Republike Slovenije o recipročnom unapređenju i zaštiti investicija – Predsjedništvo BiH predlagač;

Rasprava nije vođena.

Jednoglasno je data saglasnost za ratifikaciju Sporazuma (sa 13 glasova za).

Tačka 11. Protokol za sprječavanje, zaustavljanje i kažnjavanje trgovine ljudima, naročito ženama i djecom, kojim se dopunjuje Konvencija UN protiv transnacionalnog, organiziranog kriminala, potpisanog u Njujorku 7.septembra 2000.godine.-Predsjedništvo BiH

Rasprava nije vođena.

Jednoglasno je data saglasnost za ratifikaciju Sporazuma (sa 13 glasova za).

Tačka 12 Sporazuma između Vijeća ministara BiH i Švicarskog Federalnog vijeća u vezi sa međunarodnim cestovnim prijevozom osoba i roba. Predsjedništvo BiH

Rasprava nije vođena.

Jednoglasno je data saglasnost za ratifikaciju ovog Sporazuma (sa 14 glasova za).

Tačka 13 Protokol o osnivanju i funkcioniranju kulturnih centara između Vijeća ministara BiH i Vlade Republike Turske predlagač Predsjedništvo BiH

U raspravi su učestvovali: Dragutin Ilić i Sejfidin Tokić

Nakon rasprave nije data saglasnost za ratifikaciju ovog Sporazuma, jer nije postignuta entitetska većina (5 delegata je bilo za, 5 delegata - protiv i 4 delegata - uzdržana).

Tačka 14. Protokol protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog, organiziranog kriminala, potpisan u Njujorku 7.septembra 2000.godine.

Nije vođena rasprava.

Jednoglasno je data saglasnost za ratifikaciju ovog Sporazuma .

Tačka 15. Konvencija UN protiv transnacionalnog, organiziranog kriminala, predlagač Predsjedništvo BiH

Rasprava nije vođena.

Jednoglasno je data saglasnost da se ratifikuje ovaj Sporazum (sa 14 glasova za).

Tačka 16. Rimski statut Međunarodnog kaznenog suda.

Rasprava nije vođena.

Jednoglasno je data saglasnost za ratifikaciju ovog Sporazuma (sa 14 glasova za).

Tačka 17. Sporazum između Vijeća ministara BiH i Vlade Republike Mađarske o ukidanju viza za nosioce diplomatskih i službenih putnih isprava- Predsjedništvo BiH

Rasprava nije vođena.

Jednoglasno je data saglasnost za ratifikaciju ovog Sporazuma (sa 14 glasova za).

Tačka 18. Ugovor o slobodnoj trgovini između BiH i Republike Slovenije- Predsjedništvo BiH

U raspravi su učestvovali: Dragutin Ilić i Sejfudin Tokić.

Nakon rasprave nije data saglasnost za ratifikaciju ovog Sporazuma (4 glasa za, 8 glasova protiv i 2 uzdržana).

Istovremeno je podržan **zaključak Komisije za spoljnu i trgovinsku politiku**: Da se ratifikacija ovog Sporazuma odloži dok Vijeće ministara ne obezbijedi odgovarajuću argumentaciju koja bi se odnosila na zaštitu plasmana naših proizvoda , kao i druga pitanja iz zaključka Komisije .

Jednoglasno je usvojen zaključak Komisije (sa 11 glasova za).

Tačka 19. Sporazuma između BiH i države Kuvajt o poticanju i recipročnoj zaštiti investicija- Predsjedništvo BiH

Rasprava nije vođena.

Jednoglasno je data saglasnost za ratifikaciju ovog Sporazuma (sa 15 glasova za).

Tačka 20. Prijedlog o procedurama međuparlamentarne saradnje-predlagači: Šefik Džaferović i Halid Genjac

Nakon diskusije u kojoj su učestvovali: Nikola Špirić, Sejfudin Tokić, Šefik Džaferović, Goran Turjačanin, Ibrahim Spahić i Ivo Divković donijet je sljedeći **zaključak**: Da za narednu sjednicu Doma naroda, Komisija za spoljnu i trgovinsku politiku pripremi konačan prijedlog o procedurama međuparlamentarne saradnje.

Sjednica je završena u 15,30 sati.

Neautorizirani transkript čini sastavni dio ovog zapisnika.

Zapisnik uradila Grđo Mineta .

*Sekretar
Doma naroda
Jadranko Tomić s.r.*

*Predsjedavajući
Doma naroda
Sejfudin Tokićs.r.*